

ხელშეკრულება სახელმწიფო შესყიდვის შესახებ

წინამდებარე ხელშეკრულება დაიდო ____ 2011 __ წ.
ერთის მხრივ _____ (შემდგომში
“შემსყიდველი”)

(შემსყიდველის დასახელება და იურიდიული მისამართი)
და მეორეს მხრივ _____ (შემდგომში
“მიმწოდებელი”)
(მიმწოდებლის დასახელება და იურიდიული მისამართი)

შორის და მიღწეულ იქნა ურთიერთშეთანხმება შემდეგზე: შემსყიდველმა გამოაცხადა
ტენდერი შესყიდვაზე,

(საქონლის მოკლე აღწერა)
და მიიღო მიმწოდებლისაგან სატენდერო წინადადება ავტო-ტექ მომსახურების
მიწოდებაზე შემდეგ თანხაზე:

(მიუთითეთ ხელშეკრულების თანხა ციფრებითა და სიტყვიერად)
(შემდგომში “ხელშეკრულების ფასი”).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებულ ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) მიმწოდებლის მიერ წარმოდგენილი სატენდერო წინადადება და ფასების ცხრილი;
 - გ) მომსახურების გაწევის ვადები
 - დ) ხელშეკრულების სპეციფიკური პირობები;
 - ე) ხელშეკრულების შესრულების საგარანტიო უზრუნველყოფა (თუ ეს მექანიზმი გამოიყენება).
3. მიმწოდებელი იღებს ვალდებულებას მიაწოდოს შემსყიდველს ზემოაღნიშნული ავტო ტექ მომსახურება ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.
ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

ხელის მოწერა და ბეჭედი _____

(შემსყიდველის სახელი, გვარი)

ხელის მოწერა და ბეჭედი _____

ხელშეკრულების სპეციფიკური პირობები

I. ხელშეკრულების დამდები მხარეები

1.1 შემსყიდველი: ქობულეთის მუნიციპალიტეტი

1.2. მიმწოდებელი:

I. ხელშეკრულების საგანი

1.1. წინამდებარე ხელშეკრულების საფუძველზე “მიმწოდებელი” თანახმაა გაუწიოს ტექნიკური მომსახურება და შეკეთება ქობულეთის მუნიციპალიტეტის საკუთრებაში ავტომობილები, ხოლო “შემსყიდველი” კისრულობს ვალდებულებას მიიღოს შესრულებული მომსახურება და გადაიხადოს მისი ღირებულება ხელშეკრულებით გათვალისწინებული წესით.

II. ღირებულება და ანგარიშსწორების წესი

- 2.1.** მომსახურების სახელშეკრულებო ღირებულება შეადგენს ----- ლარს,
- 2.2.** ამ ხელშეკრულების თანახმად “შემსყიდველი” ჩაურიცხავს “მიმწოდებელს” გაწეული მომსახურების ღირებულებას (ხელშეკრულებით გათვალისწინებულ საბანკო რეკვიზიტებზე), რომელიც ყოველი გაწეული მომსახურებისათვის დადგინდება შესაბამისი წესით გაფორმებული მიღება-ჩაბარების აქტით.
- 2.3.** “შემსყიდველი” ანგარიშსწორებას ახორციელებს “მიმწოდებლის” მიერ მიღება-ჩაბარების აქტის და სასაქონლო ზედნაღების წარმოდგენის შემდეგ 10 (ათი) საბანკო დღის განმავლობაში.
- 2.4.** ანგარიშსწორება განხორციელდება უნაღდო ანგარიშსწორების წესით;
- 2.5.** ანგარიშსწორება განხორციელდება ლარებში.
- 2.6.** მომსახურების მიღება-ჩაბარებას “შემსყიდველის” მხრიდან განახორციელებს მუნიციპალიტეტის გამგეობის ადმინისტრაციული სამსახურის მატერიალურ-ტექნიკური განყოფილების უფროსი და ქობულეთის მუნიციპალიტეტის საკრებულოს აპარატის მთავარი სპეციალისტი მატერიალურ-ტექნიკური უზრუნველყოფის საკითხებში.

III. მხარეთა უფლება-მოვალეობანი

3.1. “მიმწოდებელი” ვალდებულია:

- ა) შეტყობინების მიღებისთანავე განახორციელოს ავტომანქანების სარემონტო სამუშაოები, გასაწევი მომსახურების მოცულობის შესაბამისად;
- ბ) შეასრულოს გამოვლენილი დეფექტის გამოსწორება “შემსყიდველი”-ს მხრიდან რაიმე დამატებითი დანახარჯების გაწევის გარეშე, 3 (სამი) სამუშაო დღის ვადაში;
- გ) გააცნოს “შემსყიდველს” გაწეული მომსახურების შედეგები და გაითვალისწინოს მისი მოთხოვნები;
- დ) მომსახურების გაწევის დროს გამოიყენოს ხარისხიანი საქონელი, ხოლო სამუშაო შეასრულოს შესაბამისი კვალიფიკაციის მქონე პირებმა, რის საფუძველზეც “მიმწოდებელი” იძლევა ნამუშევრის სიმტკიცისა და ვარგისიანობის გარანტიას.

3.2. “შემსყიდველი” ვალდებულია:

- ა) შეუფერხებლად აუნაზღაუროს “მიმწოდებელს” ფაქტიურად შესრულებული სამუშაოს ღირებულება ხელშეკრულებით გათვალისწინებული წესის შესაბამისად.

IV. განსაკუთრებული პირობები

4.1 წინამდებარე ხელშეკრულების დანართში მითითებული ფასების შეცვლა დაუშვებელია ხელშეკრულების ვადის დასრულებამდე.

V. პასუხისმგებლობა

5.1. წინამდებარე ხელშეკრულებით ნაკისრი ვალდებულებების შეუსრულებლობის შემთხვევაში, მიმწოდებელს ეკისრება ყოველი უხარისხოდ გაწეული მომსახურების მთლიანი ღირებულების 100% ოდენობის პირგასამტეხლო.

5.2 საჯარიმო სანქციები არ ათავისუფლებს მიმწოდებელს ძირითადი ვალდებულებების შესრულებისაგან.

VI. ხელშეკრულების პირობების შეუსრულებლობა

6.1. “მიმწოდებლის” მიერ ამ ხელშეკრულებით ნაკისრი ვალდებულებების შეუსრულებლობის, ან “შემსყიდველი”-ს მიერ მიცემული შენიშვნების გათვალისწინებლობის შემთხვევაში, “შემსყიდველს” შეუძლია ცალმხრივად შეწყვიტოს ხელშეკრულება, ხოლო “მიმწოდებელი” ვალდებულია აუნაზღაუროს “შემსყიდველს” მიყენებული ზარალის საფასური, მოთხოვნიდან 5 (ხუთი) სამუშაო დღის განმავლობაში.

VII. ფორს-მაჟორი

7.1. მხარეები არ არიან პასუხისმგებელი თავიანთ ვალდებულებათა სრულად ან ნაწილობრივ შეუსრულებლობაზე, თუ გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა. შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატება,

7.2. თუ სახელშეკრულებლო ვალდებულების მთლიანი ან ნაწილობრივი შეუსრულებლობის პირობები გაგრძელდება 5 (ხუთი) დღეზე მეტხანს, მხარეებს უფლება აქვთ შეწყვიტონ ხელშეკრულების მოქმედების ვადა კომპენსაციის უფლებების გარეშე.

7.3. მხარეს, რომელსაც შეექმნა ფორს-მაჟორული გარემოება, დაუყონებლივ უნდა აცნობოს წერილობით ამის შესახებ მეორე მხარეს.

VIII. ხელშეკრულების შეწყვეტა მისი პირობების შეუსრულებლობის გამო

8.1. “შემსყიდველს” შეუძლია მთლიანად ან ნაწილობრივ შეწყვიტოს ხელშეკრულება, “მიმწოდებლისათვის” ვალდებულებების შეუსრულებლობის წერილობითი შეტყობინების შემდეგ:

ა) თუ “მიმწოდებელს” ხელშეკრულებით გათვალისწინებულ ან “შემსყიდველი”-ს მიერ გაგრძელებულ ვადებში არ შეუძლია გაუწიოს მომსახურება.

ბ) თუ “მიმწოდებელს” არ შეუძლია შეასრულოს ხელშეკრულებით გათვალისწინებული რომელიმე ვალდებულება.

8.2. ხელშეკრულების ცალკეული პირობების მოქმედების შეწყვეტა არ ათავისუფლებს “მიმწოდებელს” დანარჩენი ვალდებულებების შესრულებისაგან;

8.3. “შემსყიდველს” შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ “შემსყიდველი”-სათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევაში.

8.4. ამ მუხლის მე-3 პუნქტში მითითებულ შემთხვევებში “შემსყიდველი” ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

IX. ხელშეკრულების შესრულების კონტროლი

9.1. ხელშეკრულებით გათვალისწინებული სამუშაოს შესრულების ინსპექტირებას ადგილზე ახდენს გამგეობის ადმინისტრაციული სამსახურის მატერიალურ-ტექნიკური განყოფილების უფროსი და ქობულეთის მუნიციპალიტეტის საკრებულოს აპარატის მთავარი სპეციალისტი მატერიალურ-ტექნიკური უზრუნველყოფის საკითხებში.

X. ხელშეკრულების მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერისთანავე და წყვეტს მოქმედებას მხარეთა შორის ნაკისრი ვალდებულებების შესრულებისთანავე.

XI. დავები და მათი გადაწყვეტის წესი

11.1. ორივე მხარე ვალდებულია წამოჭრილი დავები ან აზრთა სხვადასხვაობა გადაწყვიტონ ერთობლივი მოლაპარაკების საფუძველზე.

11.2. თუ მოლაპარაკების დაწყებიდან 30 (ოცდაათი) კალენდარული დღის განმავლობაში “შემსყიდველი” და “მიმწოდებელი” ვერ შეძლებს მოლაპარაკების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს.

XII. სხვა პირობები

12.1. ხელშეკრულებით გათვალისწინებული პირობები რეგულირდება საქართველოს კანონმდებლობით.

12.2. არცერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

12.3. მესამე პირთან ურთიერთობაში მხარეები მოქმედებენ თავიანთი სახელით.

12.4. ხელშეკრულება დგება ქართულ ენაზე, ცნობების განმარტებისას ხელშეკრულებასთან დაკავშირებით მიმოწერა შესრულებული უნდა იქნას ქართულ ენაზე.

12.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

XIII. “შემსყიდველი”-ს იურიდიული მისამართი და რეკვიზიტები

13.1. “შემსყიდველი”-ს მისამართი: ქ. ქობულეთი, დავით აღმაშენებლის გამზირი №-141.

13.2. “შემსყიდველი”-ს საბანკო რეკვიზიტები: სს “ლიბერთი ბანკი”, ბანკის კოდი **LBRTGE22**, ანგ.№-**GE56LBO120113125552000**, საიდენ.კოდი 247001890.

13.3. “შემსყიდველი” – ქობულეთის მუნიციპალიტეტი

XIV. “მიმწოდებელი”-ს იურიდიული მისამართი და რეკვიზიტები

14.1 “მიმწოდებელი”-ს მისამართი:

14.2. “მიმწოდებელი”-ს საბანკო რეკვიზიტები:

14.3. “მიმწოდებელი” –